

SEDMIČNI PREGLED AKTIVNOSTI SUDA BiH
Odjel I i II
(1. februar 2010. godine – 5. februar 2010. godine)

PONEDJELJAK, 1. februar 2010. godine

Petak, 29. januar 2010. godine¹

- Sud je 12. januara 2010. godine potvrdio optužnicu u predmetu **Nikola Šego i dr. (X-K-08/511)** koja tereti optužene Nikolu Šegu, Mirka Šekaru, Enisa Ajkunića, Daria Bušića, Radovana Dragaša, Ekrema Spahića i Selima Kopića za krivično djelo zloupotreba položaja ili ovlaštenja. Optužnica je dostupna na:
[http://www.sudbih.gov.ba/files/docs/optuznice/2010/Nikola_Sego_i_dr - OPTUZNICA - redigovana.pdf](http://www.sudbih.gov.ba/files/docs/optuznice/2010/Nikola_Sego_i_dr_-_OPTUZNICA_-_redigovana.pdf)

Ponedjeljak, 1. februar 2010. godine

- U predmetu **Fahrudin Čago i dr. (X-KRN-09/706)** Sud je donio rješenje kojim se osumnjičenom Seadu Salihbegoviću pritvor ukida i određuju slijedeće mjere zabrane: zabrana napuštanja mjesta boravišta (svog doma), te zabrana promjene prebivališta ili boravišta; oduzimanje putnih isprava uz zabranu izdavanja novih putnih isprava, te zabrana korištenja lične karte za prelazak državne granice BiH; zabrana bilo kojeg vida kontaktiranja lično ili sredstvima veze ili uplitanje na bilo koji način sa osobama koje su saslušani kao svjedoci u ovom predmetu, kao i sa svim eventualnim budućim svjedocima u ovom krivičnom predmetu, te sa saučesnicima i pomagačima u izvršenju ovog krivičnog djela, kao i međusobno kontaktiranje sa osumnjičenima u ovom krivičnom predmetu; zabrana razgovora o svom predmetu sa bilo kim izuzev sa svojim braniocem; zabrana prisustva društvenim okupljanjima, kako javnim tako i privatnim, a posebno posjećivanje svih ugostiteljskih objekata i objekata u kojima se odvijaju društvene aktivnosti na području Zeničko - Dobojskog kantona, te zabrana obavljanja poslovnih aktivnosti vezano za poslovanje pravnog lica „Gamadeus“ d.o.o. Kalesija. Sead Salihbegović osumnjičen je za krivično djelo organizirani kriminal u vezi s krivičnim djelom porezna utaja. Kontrola mjera je 1. aprila 2010. godine.

Predmet	Sudija/sudeće vijeće	Ročište
Odjel I Zoran Babić i dr. X-KR-08/549	<i>Minka Kreho</i> <i>Marjan Pogačnik</i> <i>Željka Marenčić</i>	Nastavak glavnog pretresa Saslušan svjedok odbrane
Odjel I Momir Pelelić i dr. X-KR-08/602	<i>Ljubomir Kitić</i> <i>Vesna Jesenković</i> <i>Šaban Maksumić</i>	Nastavak glavnog pretresa Saslušana dva svjedoka Tužilaštva
Odjel I Predrag Bastah i dr. X-KR-05/122	<i>Zoran Božić</i> <i>Jasmina Kosović</i> <i>Mitja Kozamernik</i>	Iznošenje završnih riječi odbrane
Odjel II Đorđe Ždrale X-K-08/540-1	<i>Branko Perić</i> <i>Izo Tankić</i> <i>Davorin Jukić</i>	Nastavak glavnog pretresa Saslušana tri svjedoka odbrane
Odjel II Almir Šaljić i dr. X-K-08/638	<i>Seno Duradbegović</i> <i>Hasija Mašović</i> <i>Branko Perić</i>	Nastavak glavnog pretresa Saslušan svjedok Tužilaštva
Odjel II Asim Karić i dr. X-K-06/193	<i>Nenad Šešeda</i> <i>Esad Fejzagić</i> <i>Izo Tankić</i>	Nastavak glavnog pretresa Saslušana tri svjedoka Tužilaštva

- Sud je u predmetu **Momir Pelemiš i dr. (X-KR-08/602)** izvršio kontrolu opravdanosti pritvora za optužene Momira Pelemiša i Slavka Perića, te utvrdio da razlozi za pritvor i dalje postoje. Naredna kontrola je 1. aprila 2010. godine.
- Pretresno vijeće Odjela II za organizirani kriminal, privredni kriminal i korupciju Suda u predmetu **Sead Salihbegović (X-K-07/485)** izreklo je prvostepenu presudu kojom je optuženog Seada Salihbegovića oglasilo krivim za krivično djelo porezne utaje. Optuženog Salihbegovića Sud je osudio na kaznu zatvora u trajanju od dvije godine, te mu kao sporednu izrekao novčanu kaznu u iznosu od 20.000,00 KM. Od optuženog se, također, oduzima imovinska korist stečena krivičnim djelom u iznosu od 336.588,36 KM.
- Sud je izvršio kontrolu mjera zabrane u predmetu **Muhamed Ibrahimović (X-KRN-09/663)** za Muhameda Ibrahimija osumnjičenog za krivično djelo ometanja rada pravosuđa, a koje uključuju: zabranu sastajanja ili bilo kakvu vrstu komunikacije sa osumnjičenim u ovom predmetu i članovima njegove porodice i rodbine, te svjedocima i članovima njihovih porodica, kao i drugim licima koja se na bilo koji način, kao svjedoci ili kao osumnjičeni, mogu dovesti u vezu sa krivičnim predmetom, te utvrdio dalju opravdanost postojanja mjera. Naredna kontrola je 2. aprila 2010. godine.
- U predmetu **Adis Abaz i dr. (X-KRN-09/727)** Sud je donio rješenje kojim je Husniji Mušiću određen pritvor koji prema ovom rješenju može trajati mjesec dana. U istom predmetu Sud je izvršio kontrolu opravdanosti mjera zabrane za osumnjičenog *Miju Grgića*, i to: zabranu napuštanja mjesta boravišta i zabranu putovanja van BiH, privremeno oduzimanje putnih isprava, ličnih karata i vozačkih dozvola, te zabranu izdavanja pasoša i korištenje ličnih karata za prelazak državne granice; zabranu sastajanja sa osumnjičenim licima u ovom predmetu; te izmijenio mjeru kućnog pritvora u mjeru redovnog svakodnevnog javljanja nadležnoj PU; a za osumnjičenog *Ermina Sejdića* mjere: zabranu napuštanja boravišta i zabranu putovanja van BiH, te u tu svrhu privremeno oduzimanje važećih putnih isprava, zabranu izdavanja novih putnih isprava i zabranu korištenja lične karte u svrhu prelaska granice i napuštanja boravišta. Osumnjičenom Erminu Sejdiću Sud je izmijenio postojeću mjeru redovnog javljanja u nadležnu PS u mjeru kućnog pritvora. Naredna kontrola je 2. aprila 2010. godine. Husnija Mušić, Mijo Grgić i Ermin Sejdić osumnjičeni su za krivično djelo organizirani kriminal u vezi sa krivičnim djelom neovlašteni promet opojnim drogama i krivičnim djelom neovlašteni promet oružjem i vojnom opremom i proizvodima dvojne namjene.
- U predmetu **Nedžad Hodžić i dr. (X-KRN-09/786)** Sud je donio rješenje kojim se za tri mjeseca produžava pritvor Nihadu Bojadžiću osumnjičenom za krivično djelo ratni zločin protiv civilnog stanovništva i krivično djelo ratni zločin protiv ratnih zarobljenika. Pritvor prema ovom rješenju može trajati do 2. maja 2010. godine.
- Studenti Univerziteta Johns Hopkins i Bolonja, posjetili su Sud. Studenti su se sastali sa sudijom Tihomirom Lukesom koji je prezentirao rad ove institucije.

Predmet	Sudija/sudeće vijeće	Ročište
Odjel I Zoran Babić i dr. X-KR-08/549	<i>Minka Kreho</i> <i>Marjan Pogačnik</i> <i>Željka Marenić</i>	Nastavak glavnog pretresa Saslušan svjedok odbrane
Odjel I Gojko Kličković i dr. X-KR-06/213	<i>Zoran Božić</i> <i>Mitja Kozamernik</i> <i>Jasmina Kosović</i>	Nastavak glavnog pretresa Saslušan svjedok odbrane

Odjel I Nedžad Hodžić i dr. X-KRN-09/786	<i>Senadin Begtašević</i> <i>Zoran Božić</i> <i>Carol Peralta</i>	Ročište po prijedlogu Tužilaštva za produženje pritvora
Odjel I Nedžad Hodžić i dr. X-KRN-09/786	<i>Davorin Jukić</i>	Ročište po prijedlogu Tužilaštva za određivanje pritvora
Odjel II Fadil Jaganjac X-K-08/493	<i>Senadin Begtašević</i>	Nastavak glavnog pretresa Saslušana dva svjedoka Tužilaštva
Odjel II Sead Salihbegović X-K-07/485	<i>Senadin Begtašević</i> <i>Mehmed Šator</i> <i>Izo Tankić</i>	Izricanje presude
Odjel II Ezedin Delibašić X-K-08/581	<i>Branko Perić</i>	Ročište odgođeno
Odjel II Suvad Đidić i dr. X-K-08/591-1	<i>Šaban Maksumić</i> <i>Vesna Jesenković</i> <i>Staniša Gluhajić</i>	Nastavak glavnog pretresa Iznošenje materijalnih dokaza Tužilaštva

SRIJEDA, 3. februar 2010. godine

- Sud je u predmetu **Nedžad Hodžić i dr. (X-KRN-09/786)** donio rješenje kojim je određen jednomjesečni pritvor Zulfikaru Ališpagi, osumnjičenom da je po komandnoj odgovornosti počinio krivično djelo ratni zločin protiv civilnog stanovništva i krivično djelo ratni zločin protiv ratnih zarobljenika. Pritvor prema ovom rješenju može trajati do 1. marta 2010. godine.
- U predmetu **Aleksandar Matković i dr. (X-K-08/649-1)** Sud je izvršio kontrolu opravdanosti pritvora za optužene Aleksandra Matkovića i Vanju Matkovića, te utvrdio da razlozi za pritvor i dalje postoje. Naredna kontrola je 3. aprila 2010. godine.

Predmet	Sudija/sudeće vijeće	Ročište
Odjel I Ljubo Tomić i dr. X-KR-07/346	<i>Vesna Jesenković</i> <i>Šaban Maksumić</i> <i>Staniša Gluhajić</i>	Nastavak glavnog pretresa Saslušan vještak odbrane
Odjel I Nisvet Gasal i dr. X-KR-07/341	<i>Davorin Jukić</i> <i>Darko Samardžić</i> <i>Patricia Whalen</i>	Nastavak glavnog pretresa Saslušan svjedok odbrane
Odjel I Gojko Kličković i dr. X-KR-06/213	<i>Zoran Božić</i> <i>Mitja Kozamernik</i> <i>Jasmina Kosović</i>	Nastavak glavnog pretresa Saslušana dva svjedoka odbrane
Odjel I Mehura Selimović i dr. X-KR-08/522	<i>Željka Marenić</i> <i>Ljubomir Kitić</i> <i>Minka Kreho</i>	Nastavak glavnog pretresa Saslušana dva svjedoka odbrane
Odjel II Zoran Bašić X-K-08/596-1	<i>Izo Tankić</i> <i>Nenad Šeleda</i> <i>Branko Perić</i>	Nastavak glavnog pretresa Saslušan svjedok Tužilaštva
Odjel II Marinko Čavar KPV-01/07	<i>Esad Fejzagić</i>	Nastavak glavnog pretresa Saslušana tri svjedoka Tužilaštva

ČETVRTAK, 4. februar 2010. godine

- U predmetu **Momčilo Mandić (X-KRŽ-05/58)** Sud je otpremio drugostepenu presudu od 1. septembra 2009. godine. Na sjedinici Apelacionog vijeća Odjela I za ratne zločine na kojoj je razmotrena žalba Tužilaštva BiH, te odgovori na žalbu, Apelaciono vijeće je donijelo drugostepenu presudu kojom se odbija kao neosnovana žalba Tužilaštva, te se potvrđuje prvostepena presuda. Prvostepenom presudom od 18. jula 2007. godine, Momčilo Mandić je oslobođen optužbi da je počinio krivična djela zločina protiv čovječnosti i ratnog zločina protiv civilnog stanovništva.
- Pretresno vijeće Odjela II za organizirani kriminal, privredni kriminal i korupciju Suda u predmetu **Zoran Dereta i dr. (X-K-09/778)** izreklo je prvostepenu presudu kojom su Zoran Dereta, Rasim Handanović i Asim Sušić oglašeni krivim za krivično djelo udruživanje radi činjenja krivičnih djela i krivično djelo krijumčarenje osoba, te ih osudio na jedinstvenu kaznu zatvora u trajanju od po osam mjeseci, istovremeno određivši da se utvrđena kazna zatvora neće izvršiti ako optuženi u roku od jedne godine, od dana pravosnažnosti presude, ne izvrše novo krivično djelo.

Predmet	Sudija/sudeće vijeće	Ročište
Odjel I Radoje Lalović i dr. X-KR-05/59	<i>Minka Kreho Marjan Pogačnik Željka Marenčić</i>	Nastavak glavnog pretresa Saslušana četiri svjedoka odbrane
Odjel I Željko Ivanović X-KR-06/180-3	<i>Darko Samardžić Davorin Jukić Jasmina Kosović</i>	Nastavak glavnog pretresa Saslušana dva svjedoka Tužilaštva
Odjel I Saša Zečević i dr. X-KR-09/741	<i>Vesna Jesenković Staniša Gluhajić Hasija Mašović</i>	Nastavak glavnog pretresa
Odjel I Darko Dolić X-KR-09/783	<i>Jasmina Kosović Davorin Jukić Darko Samardžić</i>	Početak glavnog pretresa
Odjel I Alija Osmić X-KR-09/781-1	<i>Staniša Gluhajić Vesna Jesenković Šaban Maksumić</i>	Nastavak glavnog pretresa Saslušan svjedok Tužilaštva
Odjel II Fadil Jaganjac X-K-08/493	<i>Senadin Begtašević</i>	Nastavak glavnog pretresa Saslušana dva svjedoka Tužilaštva
Odjel II Zoran Dereta i dr. X-K-09/778	<i>Seno Duradbegović</i>	Razmatranje sporazuma o priznanju krivnje i izricanje presude
Odjel II Asim Karić i dr. X-K-06/193	<i>Nenad Šeleda Esad Fejzagić Izo Tankić</i>	Nastavak glavnog pretresa Saslušana tri svjedoka Tužilaštva
Odjel II Nusret Imamović i dr. X-K-10/867	<i>Darko Samardžić</i>	Ročište po prijedlogu Tužilaštva za određivanje pritvora

- U predmetu **Predrag Bastah i dr. (X-KR-05/122)** Sud je izrekao prvostepenu presudu kojom je optužene Predraga Bastaha i Gorana Viškovića oglasio krivim za krivično djelo zločin protiv čovječnosti, te osudio optuženog Predraga Bastaha na kaznu dugotrajnog zatvora u trajanju od 22 godine, a optuženog Gorana Viškovića na kaznu zatvora u trajanju od 18 godina. Sud je donio rješenje o produženju pritvora optuženom Predragu Bastahu kojim je pritvor produžen za devet mjeseci i može trajati do 5. novembra 2010. godine. Sud je optuženom Goranu Viškoviću odredio pritvor u trajanju od devet mjeseci, koji prema ovom rješenju može trajati do 5. novembra 2010. godine.
- Sud je donio rješenje u predmetu **Nusret Imamović i dr. (X-KRN-10/867)**, kojim se osumnjičenima Nusretu Imamoviću, Safetu Barčiću, Edisu Bosniću, Dževadu Hodžiću, Hajrudinu Ribiću, Senadu Midžiću i Mersedu Čekiću određuje jednomjesečni pritvor. Nusret Imamović, Safet Barčić, Edis Bosnić, Dževad Hodžić, Hajrudin Ribić, Senad Midžić i Mersed Čekić su osumnjičeni za krivično djelo organizirani kriminal u vezi s krivičnim djelima iz KZ BiH: napad na ustavni poredak, ugrožavanje teritorijalne cjeline, sprječavanje povratka izbjeglica i raseljenih lica, povreda slobode opredjeljenja birača i ometanje rada pravosuđa, kao i krivično djelo iz KZ FBiH: izazivanje narodnosne, rasne i vjerske mržnje, razdora i netrpeljivosti, samovlašće, učestvovanje u grupi koja spriječi službenu osobu u vršenju službene radnje i nedozvoljeno držanje oružja ili eksplozivnim materija. Pritvor prema ovom rješenju može trajati do 2. marta 2010.
- Sud je u predmetu **Milan Vuknić (X-K-09/763-1)** potvrdio optužnicu koja optuženog Vuknića tereti za krivično djelo neovlašteni promet opojnim drogama. Optužnica je dostupna na: [http://www.sudbih.gov.ba/files/docs/optuznice/2010/Milan_Vuknic - OPTUZNICA - redigovana.pdf](http://www.sudbih.gov.ba/files/docs/optuznice/2010/Milan_Vuknic_-_OPTUZNICA_-_redigovana.pdf)

Predmet	Sudija/sudeće vijeće	Ročište
Odjel I Radimir Vuković i dr. X-KR-06/180-2	<i>Senadin Begtašević David Re Vesna Jesenković</i>	Statusna konferencija
Odjel I Predrag Bastah i dr. X-KR-05/122	<i>Zoran Božić Jasmina Kosović Mitja Kozamernik</i>	Izricanje presude
Odjel I Nedžad Hodžić i dr. X-KRN-09/786	<i>Davorin Jukić</i>	Ročište po prijedlogu Tužilaštva za određivanje mjera zaštite za svjedoka
Odjel II Damir Omerbegović X-K-09/829	<i>Seno Duradbegović</i>	Nastavak glavnog pretresa Saslušan svjedok Tužilaštva
Odjel II Mladen Smiljanić X-K-07/454-2	<i>Goran Radević</i>	Početak glavnog pretresa odgođen

NOVOSTI NA WEB STRANICI

- Prvostepena presuda u predmetu **Željko Smoljan (X-K-08/645-1)**
http://www.sudbih.gov.ba/files/docs/presude/2010/Zeljko_Smoljan_Prvostepena_presuda.pdf

NAJAVA DOGAĐAJA ZA NAREDNU SEDMICU

- U ponedjeljak, 8. februara 2010. godine u predmetima **Samir Bibić (X-K-08/638-2)** i **Ismet Graca (X-K-08/638-3)** zakazano je razmatranje sporazuma o priznanju krivnje, u sudnici 6, sa početkom u 11:45 sati. Ovi predmeti su rješenjem Suda od 27. januara 2010. godine, izdvojeni iz predmeta **Almir Šaljić i dr. (X-K-08/638)**. Samira Bibića i Ismeta Gracu optužnica tereti za krivično djelo organizirani kriminal u vezi sa krivičnim djelom neovlašten promet opojnim drogama.
- U utorak, 9. februara 2010. godine u predmetima:
 - **Ćerim Novalić (X-KR-09/847)** zakazano je izjašnjenje o krivnji pred Odjelom I za ratne zločine Suda, u sudnici 8, sa početkom u 14:00 sati. Ćerima Novalića optužnica tereti za krivično djelo ratni zločin protiv civilnog stanovništva.
 - **Jasmir Kovačević i dr. (X-K-07/322-1)** zakazano je iznošenje završnih riječi, u sudnici 5, sa početkom u 09:00 sati. Optužnica tereti Jasmira Kovačevića i pravnu osobu "Kiwi"d.o.o. Bugojno za produženo krivično djelo porezne utaje.
- U četvrtak, 11. februara 2010. godine u predmetima
 - **Suljo Karajić (X-KR-07/336)** zakazano je iznošenje završnih riječi, u sudnici 5, sa početkom u 09:00 sati. Optužnica tereti Sulju Karajića za krivično djelo ratnog zločina protiv civilnog stanovništva.
 - **Sabro Ramić (X-K-09/572-5)** zakazana je sjednica Apelacionog vijeća Odjela II za organizirani kriminal, privredni kriminal i korupciju Suda, u sudnici 8, sa početkom u 14:00sati. Dana, 12. novembra 2009. godine pretresno vijeće Odjela II za organizirani kriminal, privredni kriminal i korupciju, nakon razmatranja i prihvatanja izjave o priznanju krivnje, izreklo je prvostepenu presudu kojom je optuženi Sabro Ramić oglašen krivim za krivično djelo organizirani kriminal u vezi sa krivičnim djelom neovlašten promet opojnim drogama, te osuđen na kaznu zatvora u trajanju od četiri godine.

STATISTIKE

ODJELJENJE ZA PODRŠKU SVJEDOCIMA

Odjel	Broj predmeta	Broj svjedoka
Ratni zločini	7	16
Organizirani kriminal, privredni kriminal i korupcija	1	2

Broj održanih ročišta u sudnicama 1-8

54

Broj zahtjeva za izdavanje AV materijala (Odjeljenje za informiranje javnosti)

27

Želite li biti uključeni na popis primalaca najnovijih obavijesti Suda BiH ili izbrisani s njega, molimo vas da pošaljete e-mail na: PIOS@sudbih.gov.ba, www.sudbih.gov.ba

Dežurni telefon +387 61 475 205

¹ U aktuelni sedmični pregled aktivnosti unesene su promjene iz prošle sedmice, koje nisu obuhvaćene prethodnim sedmičnim pregledom.